



26

ՏՂԱԾԱՐԴ ԵՒ

1

ԱՂԶԻԿ

Թարգմանեց

ՄՈՒՋԷ ՎԱՐԴԱԳՆՏ

№ 2

Handwritten signature in Armenian script.

1904

ԳՐԱՆ Է 5 ԿՈՊ.



ՄԱԿՍԻՄ ԳՅՅՐԿԻՑ

ՔԱՆՆԵՒՎԵՑ ՏՂԱՄԱՐԴ
ԵՒ ՄԻ ԱՂԶԻԿ

Թարգմանեց

ՄՈՒՂԷ ՎԱՐԴԱՊԵՏ



Թ Ի Ֆ Լ Ի Ս

Տպարան Մոլոտա Վարդանեանցի
1904

Доз. Цензурою 11 Юня 1903 г. Тифлисъ.

ՔՄԱՆԵԻՎԵՅ ՏՂԱՄԱՐԴ

ԵՒ ՄԻ ԱՂԶԻԿ

Մենք քսաննվեց հոգի էինք—քսաննվեց կենդանի մեքենայ, որ խոնար ներքնայարկում փակուած, առաւօտից մինչև իրիկուն, խմոր էինք հունցում և բսկեղ *) ու հաց-օղակ պատրաստում: Մեր ներքնայարկի պատուհանները դէմ էին ընկած նրանց առաջ փորուած փոսին, որ ծածկուած էր խոնաւութիւնից բորբոսնած աղիւսներով. պատուհանի շրջանակները դրոփից պատած էին երկաթեայ խիտ վանդակով, և արևի լոյսը չէր կարող ներս թափանցել ապակիների միջից, որոնք ալիւրի փոշով էին ծածկուած: Մեր աղան պատուհանները նրա համար էր երկաթով պատել, որ մենք չկարողանանք նրա հացը տալ աղքատներին և մեր ընկերներէից նրանց, որոնք անդործ մնացած լինելով քաղցած էին. մեր տէրը մեզ կոչում էր սրիկայ և ճաշերքին մտնողակ հոտած ընդերք էր աալիս:

Չատ նեղուածք էր, և մենք խեղդուում

*) կրենդէլ:

էինք այդ քարէ արկղի մէջ, ցած ու ծանր ա-
 ռաստաղի ներքե, որը ծածկուած էր մրով ու
 սարդի ոստայնով: Ծանր և սիրտ խառնելու
 բան էր այս ցեխի ու բորբոսի բծերով ծած-
 կուած հաստ պատերի միջև մնալը...: Առաւօ-
 տեան ժամը հնգին, դեռ քնից չկշտացած,
 վեր էինք կենում տեղներիցս և—բթացած,
 անտարբեր—ժամը վեցին նստում էինք սեղա-
 նի առաջ, որպէս զի բսկեղ շինենք այն խմո-
 բից, որ մեր ընկերները, դեռ մեր քնած մի-
 ջոցին, պատրաստած էին լինում: Եւ ամբողջ
 օրն առաւօտից մինչև երեկոյեան ժամը տասը
 մեղանից ոմանք, սեղանի առաջ նստած, ձեռ-
 ներով առաձգական խմորն էին բաց անում ու
 օրօրում էին, որպէս զի շընդարմանան, իսկ
 միւսներն այդ միջոցին ջուր ու ալիւրից խմոր
 էին հռչեցում: Եւ ամբողջ օրը ջուրը մտախոհ
 ու տխուր թշշում էր կաթոսայի մէջ, ուր բո-
 կեղներն էին խաշում, իսկ հացթուխի թիա-
 կը, խմորի լպրծուն կտորները տաք աղիւսի
 վրայ ձգելիս, չորացած ու արագ-արագ խըշ-
 խշում էր փուռի յատակին քսուելուց: Առաւօ-
 տից մինչև իրիկուն փռան մէջ մի կողքին
 վառում էր փայտը, և բոցի կարմիր շողքը
 դողդողում էր արհեստանոցի պատի վրայ և
 կարծես մեզ վրայ անձայն ծիծաղում: Ահագին
 փուռը նման էր առասպելական հրէշի այլան-
 դակ գլխի,—հէնց իմանաս այդ գլուխը դուրս

էր պրծած յատակից, բաց էր արել պայծառ կրակով լի ահագին բերանը, տօթ շնչում մեզ վրայ և իւր ճակատին գանուած երկու օդանցների խաւար խոռոչներով դիտում մեր անվերջ աշխատանքը: Այդ երկու խոր խոռոչները նման էին աչքերի—հրէշի անգութ ու անտարբեր աչքերի—որոնք շարունակ միատեսակ մութ հայեացքով նայում էին մեզ և, աեսն թէ ստրուկների վրայ նայելուց յոգնած ու նրանցից ոչ մի մարդկային բան չսպասելով, իմաստութեան սառն արհամարհանքով արհամարհում էին նրանց:

Ասածու իր օրը ալիւրի փոշու մէջ, ցեխի մէջ, որ մենք ոտներովս բերում էինք բակից, ծանր հոտի մէջ լուլում էինք խմորը և մեր քրանքով շաղախած՝ բոկեղ շինում, և մենք սուր ատելութեամբ ատում էինք մեր աշխատանքն ու երբէք չէինք ուտում այն, որ մեր ձեռքիցն էր դուրս գալիս. մենք սե հացը գերադասում էինք բոկեղներից. Երկայն սեղանի առաջ իրար դէմ ու դէմ նստած—ինը հոգի իննի դէմ—երկար ժամեր մեքինաբար շարժում էինք ձեռքներս ու մատներս, և այնքան էինք ընտելացել մեր գործին, որ այլևս երբէք չէինք հետևում մեր շարժումներին: Եւ այնքան էինք իրար դիտել, որ ամեն մէկս էլ արդէն խիստ լաւ գիտէինք մեր ընկերների դէմքի ամեն մի կնճիւր: Մենք այլևս խօսելու ոչինչ նոր նիւթ

շունէիք և, այդ բանին վարժուած, բոլոր
 ժամանակը նստած էիք լինում լուռ, եթէ
 միայն իրար չէիք հայհոյում—քանի որ մարդ
 հայհոյելու, մանաւանդ ընկեր հայհոյելու հա-
 մար միշտ կարելի է մի պատճառ գտնել: Բայց
 մենք հէնց քիչ էլ կուում էիք,—ի՛նչ մեղք
 պիտի ունենայ մի մարդ, քանի որ նա կիսա-
 մեռ է, քանի որ նա անշունչ արձան է, քանի
 որ ծանր աշխատանքը ճնշել է նրա բոլոր
 զգացմունքները: Բայց լուռ իւնը զարհուրելի
 է և չարատանջ միայն այն մարդկանց համար,
 որոնք արդէն ամեն բան ասել, պրծել են և
 էլ ոչինչ շունին ասելու. իսկ այն մարդկանց
 համար, որոնք դեռ իրենց ասելիքը չեն սկը-
 սել,—նրանց համար լուռը հասարակ ու թե-
 թե բան է... Բայց երբեմն մենք երգում էիք,
 և մեր երգն այսպէս էր սկսում—աշխատան-
 քի միջոցին յանկարծ մեզանից մէկը յոգնած
 ձիու հառաչի նման թառանչ կը քաշէր և կա-
 մացուկ կը սկսէր երգել այն ծանր երգերից
 մէկը, որոնց սրտամորմոք-փաղաքուշ եղանակ-
 ները միշտ երգողի սրտի վրայից դէն են ձգում
 ծանր քարը: Մեզանից մէկը կը սկսէր երգել,
 իսկ մնացեալներս սկզբում լուռ ահանջ կը
 դնէիք նրա մենակ երգածին, և երգը կը մա-
 րէր ու կուլ կը գնար ներքնայարկի ծանր ա-
 ռաստաղի տակ, նման աշնանային խոնաւ դի-
 շերով տափաստանում վառած փոքրիկ կրա-

կին, երբ մառախլապատ երկինքն արճճէ խու-
փի նման կախ է ընկած լինում երկրիս վրայ:
Յետոյ երգողին կը միանար երկրորդը, և ահա
արդէն երկու ձայն կամաց ու թախծալից լո-
ղում է մեր նեղուածք փոսի հեղձուկ օղի մէջ:
Նւ ապա յանկարծ մի քանի ձայն մի անգամից
կը միանային երգին, ու երգն ալիքի նման կե-
ռար, աւելի դօրեղ, աւելի բարձր կը դառնար
և ասես թէ մեր քարէ բանտի խոնաւ, ծանր
պատերը կը բանար, կը հեռացնէր մեզանից...:

Քուրք քսանկվեց հոգիս էլ երգում էինք.
բարձր, հաստատուն ձայները լցնում էին ար-
հեստանոցը. բայց երգի համար նեղ էր գալիս
դա. երգը զարնւում էր պատերի քարին, հա-
ռաչում էր, լաց լինում և սրտերը կենդանաց-
նում խաղաղ խտտացնող ցաւով, բաց անում
հին վէրքերն ու կսկիծ պատճառում...: Եր-
գողները խօրն ու ծանր հոգոց կը հանէին.
Նրանցից մէկը յանկարծ կը կտրէր երգն ու
երկար ահանջ կը դնէր ընկերների երգածին,
և ապա նորից ձայնը կը միացնէր ընդհանուր
ալիքին: Մի ուրիշն անձկութեամբ «ախ» կը
կանչէր և աչքերը փակած կերդէր, ու գուցէ
ձայների այս թանձր, ընդարձակ ալիքը նրա
առաջ պատկերանում էր որպէս մի հեռաստան
տանող ճանապարհ, պայծառ արևի լուսով լու-
սաւորուած մի լայն ճանապարհ, իսկ իրեն էլ
տեսնում էր այդ ճանապարհի վրայ...:

Փռան միջի կրակը շարունակ դողդողում է, հացթուխի թիակը դարձեալ խշխշում է աղիւսին քսուելով, ջուրը մրմռում է կաթսայի մէջ, և կրակի շողքը նոյնպէս դողում է, անձայն ծիծաղում...: Իսկ մենք ուրիշի բառերով երգում ենք մեր բուժ վիշտը, արեւից զրկուած կենդանի մարդկանց ծանր վիշտը, ստրուկների անձկութիւնը: Ահա այսպէս էինք ապրում մենք, քսանակից հոգիս, քարաչէն ահագին տան դետնայարկում, և այնքան ծանր էր մեր կեանքը, որ ասես թէ այդ տան երեք յարկն էլ մեր ուսերին լինէր շինած...:

Սակայն երգից դատ մենք ունէինք նաև մի ուրիշ լաւ բան, մի սիրելի բան, մի այնպիսի բան, որը գուցէ և արեւի տեղն էր բռնում մեզ համար: Այդ տան երկրորդ յարկում կարուձևի մի արհեստանոց կար, և այդտեղ, շատ վարպետ-աղջկերանց հետ, ապրում էր նաև մի տասնակից տարեկան սպասուհի, Տանիա անունով: Մեր արհեստանոցի՝ դէպի նախասենեակ բացուող դրան մէջ մի փոքրիկ պատուհան կար շինուած: Ամեն առաւօտ այդ պատուհանի ապակուն յինուում էր Տանիայի կապոյտ, ուրախ աչքերով փոքրիկ, վարդագոյն դէմքը, և հնչուն, փաղաքուշ ձայնով կանչում.

— Գալանաւորներ. ինձ բոկեղ տուէք:

Մենք ամենքս էլ շուռ էինք գալիս դէպի այս ծանօթ պարզ ձայնը և ուրախ-ուրախ, բարեօրրա կերպով նայում կուսական մաքուր երեսին, որ հրաշալի կերպով ժպտում էր մեզ: Մենք սովոր էինք, և մեղ հաճելի էր տեսնել ապակուն հուպ տալուց տափակած քիթը և մանր սղիտակ ատամները, որոնք փայլում էին ժպտալուց բացուած վարդագոյն շրթունքներին արանքից: Մենք իրար բոթբոթելով վազում էինք դուռը բանալու, և ահալասիկ նազուարթ, քաղցր մտնում էր ներս, գոգնոցը դէմ անում, գլուխը փոքր ինչ թեքած կանգնում ու շարունակ ժպտում: Չազանակագոյն մաղերի երկայն ու հաստ հիւսն ուսի վրայով ընկած էր լինում կրծքին: Մենք, կեղտոտ, մութ, այլանդակ մարդիկս, ներքեից վերև էինք նայում նրան,—դրան շեմքը յատակից չորս աստիճան վեր էր,—գլուխներս բարձրացրած նայում էինք նրան, բարի-լոյս տալիս, մի ինչ-որ առանձին խօսքեր ասում. մենք այդպիսի խօսքերը միայն նրա համար էինք գտնում մեր մէջ: Նրա հետ խօսելիս մեր ձայներն էլ աւելի մեղմ էին, հանաքներս էլ թեթև: Նրա համար մեր ամեն ինչն էլ ջոկ տեսակ էր: Թըխողը փռնից հանում էր ամենալաւ թխուած, կարմրած բոկեղները և ճարպիկութեամբ ձգում նրա գոգնոցի մէջ:

—Տես, աղի աչքովը շընկնես,—միշտ զգուշացնում էինք նրան:

Նա խորամանկութեամբ կը ծիծաղէր, ուրախ-ուրախ կասէր.

—Մնաք բարով, կալանաւորներ, — և մկան պէս իսկոյն կանհետանար:

Այսքան միայն. . . Յայց նրա գնալուց յետոյ մենք հրկար ժամանակ հաճոյքով կը խօսէինք նրա մասին, և միշտ էլ խօսածներս նոյնն էր, ինչ որ խօսած էինք երեկ ու առաջ, քանի որ նա էլ, մենք էլ և մեր շորս կողմն ամեն բան էլ այն էր. ինչ որ էր երեկ և՛ առաջ...: Չատ ծանր ու շարատանջ բան է լինում, երբ որ մարդս ապրում է, իսկ նրա շուրջը ոչինչ չի փոխւում. եթէ այս բանը բուրրովին չսպանի նրա հոգին, գոնէ քանի երկար ապրի՝ այնքան շարատանջ կը դառնայ նրա համար շրջապատի անշարժութիւնը...: Մենք միշտ կանանց մասին մի այնպիսի լեզուով էինք խօսում, որ երբեմն նոյն իսկ ինքներս էլ զգւում էինք մեր կոպիտ-անպատկառ խօսքերից, և այդ հասկանալի է, քանի որ մեր այդ ծանօթ կանայք գուցէ և ուրիշ տեսակ խօսքերի արժանի էլ չէին: Յայց Տանիայի համար երբէք վատ չէինք խօսում. ոչ միայն մեզանից ոչ ոք և երբէք իրեն չէր թոյլ տալ նրան ձեռք կպցնելու, հապա նա նոյն իսկ մի ազատ կատակ անգամ լսած չէր մե-

դանից: Գուցէ սա այն պատճառով էր, որ նա երկար չէր մնում մեզ մօտ—վայր ընկնող աստղի նման կը փայլէր մեր առաջ ու կանհետանար բայց գուցէ և այն պատճառով էր, որ նա փոքր էր և շատ գեղեցիկ, իսկ ամեն մի գեղեցիկ բան, նոյն իսկ կոպիտ մարդկանց մէջ, յարգանք է ծնեցնում դէպի իրան: Եւ մէկ էլ՝ թէպէտ տաժանակիր աշխատանքը մեզ բթացրել էր, բայց և այնպէս հօ դարձեալ մտրդ էինք և ինչպէս ամեն մարդ, չէինք կարող առանց մի սրեիցէ բան պաշտելու ապրել: Մեզ համար նրանից լաւը չկար, և ոչ ոք, բացի նրանից, մեզ՝ ներքնայարկում ապրողներին վրայ ուշադրութիւն չէր դարձնում, ոչ ոք, թէպէտ և այդ տան մէջ տասնաւոր մարդիկ էին ապրում: Եւ վերջապէս—անշուշտ, գլխաւորն էլ սա էր—մենք ամենքս էլ նրան մի տեսակ մերն էինք համարում, մի տեսակ մեր բոկեղների շնորհիւ լսկ գոյութիւնը պահպանող էինք կարծում. ուստի մեր պարտականութիւնն էինք համարում տաք բոկեղներ տալ նրան: Եւ այս բանը մեզ համար դարձել էր մի տեսակ հանապազօրեայ դոհ, համարեա մի սրբազան ծէս, որ մատուցանում էինք մեր պաշտաման առարկային և որոնցով օր օրի վրայ աւելի ևս սերտ կերպով կապւում էինք նրա հետ: Բացի բոկեղներից մենք Տանիային շատ էլ խրատներ էինք տալիս—որ տաք հագ-

նուի, աստիճաններով արագ շվազէ, փայտի ծանր կապոցներ շվերցնէ: Նա ժպիտը երեսին լսում էր մեր խորհուրդները, պատասխանի փոխարէն ծիծաղում և երբէք մեր խօսքին ականջ չէր անում. բայց մենք այդ լանից չէինք վերաւորում. մենք ուզում էինք միայն նրան ցոյց տալ, որ նրա վրայ հոգս ենք տանում:

Չատ անգամ զանազան բաներ էր խընդրում նա. խնդրում էր, օրինակ, բաց անել նկուղի ծանր դուռը, փայտ ջարդել, և մենք բոլոր նրա խնդրածն ուրախութեամբ, նոյն իսկ պարծանքով կատարում էինք:

Բայց երբ մի օր մեզանից մէկը նրան խնդրեց, որ կարկատէ իւր միակ շապիկը, նա արհամարհանքով փրթկացրեց ու ասաց.

— Էդ էր պակաս: Ո՞նց չէ. հիմի պիտի բու...

Մենք շատ ծիծաղեցինք այդ խենթի վրայ և այլևս հրբէք ոչ մի բան չխնդրեցինք աղջկանից: Մենք նրան սիրում էինք. սրանով ամեն բան ասուած է: Մարդս միշտ ուզում է, որ մէկին օիրի, թէպէտև նա իւր սիրովը ճշնշում է, երբեմն կեղտոտում է նրան. նա կարող է իւր սիրովը թունաւորել իւր սրտին մօտիկ անձի կեանքը, քանի որ, սիրելով, չես յարգում սիրածիդ: Մենք պէտք է սիրէինք Տանիային, որովհետև ուրիշ սիրելու բան չունէինք:

Երբեմն, շգիտես ինչու, յանկարծ մեզա-

նից մէկը կը սկսէր դատողութիւն անել.

— Ի՞նչ ենք աղջկանը էսքան երես տալիս: Ի՞նչ մի դատ է որ, հը՛: Չատ ենք փայփայում:

Ով որ համարձակոււմ էր այդպիսի բաներ ասել, մենք իսկոյն և եթ կոպիտ կերպով լուեցնու՞մ էինք. մեզ մի բան էր պէտք, որ սիրէինք, և մենք գտել էինք այդ ու սիրում էինք. իսկ այն, ինչ որ սիրում էինք մենք՝ քսանեվեցս, պէտք է ամենքիս համար էլ անուստան լինէր որպէս սրբութիւն, և ով որ այդ բանի մէջ մեզ հակառակ էր գնում, նա մեր թշնամին էր: Գուցէ մեր սիրածն այն չէր, որ արդարև լաւ է, բայց չէ՞ որ մենք քսանեվեց հոգի էինք, ուստի և միշտ ուզում էինք, որ այն, ինչ որ մեզ համար թանկագին է, սրբութիւն լինի նաև ուրիշների համար:

Մեր սէրն էլ նոյնքան ծանր է, որքան և ատելութիւնը... և, գուցէ, հէնց այդ պատճառով էլ մի քանի մեծամիտներ պնդում են, թէ մեր ատելութիւնն աւելի գովեստ է իրեն համար, քան թէ մեր սէրը... Բայց եթէ այդպէս է, ապա ինչո՞ւ ուրեմն չեն խոյս տալիս մեղանից:

Մեր աղան բացի բոկեղ պատրաստելու գործարանից ունէր նաև շաքարահացի գոր-

ծարան. դա միևնոյն տան մէջ էր ղետեղուած
 և մեր փոսից միայն մի պատով էր բաժա-
 նուած. բայց հացագործները—գրանք շորս
 հոգի էին—մեզանից հեռու էին ման գալիս՝
 իրենց աշխատանքը մերինից ազնիւ կարծե-
 լով, ուստի և նրանք իրենց մեզանից
 բարձր համարելով մեր արհեստանոցը ոտք
 չէին դնում, իսկ բակում մեզ հանդիպելիս՝ ար-
 համարհանքով վրաներս էին ծիծաղում. մենք
 էլ նրանց մօտ չէինք գնում,—այդ ասենք մեր
 ազան էր արգելել, վախենալով թէ մի գուցէ
 անոյշ հացերից գողանանք: Մենք հացագործ-
 ներին չէինք սիրում, որովհետև նախանձում
 էինք. նրանց աշխատանքը մերինից թեթեւ էր,
 վարձն աւելի, կերակուրներն աւելի լաւ, գոր-
 ծարանն ընդարձակ, պայծառ, իսկ իրենք էլ
 խիստ մաքուր, աւողջ. իսկ այդ մեզ համար
 զգուելի էր թւում: Մինչդեռ մենք, ընդհակա-
 ռակն, ամենքս էլ մի տեսակ դեղնած էինք,
 մաշուած. մեզանից երեքը սիֆիլիս ունէին,
 մի քանիսը՝ քոս, մէկը ոսկրացաւից բոլորովին
 ծռմուռած էր: Հացագործները տօներին ու
 աշխատանքից ազատ սիջոցին հազնում էին
 պիջակ, ճրճուան կօշիկ, երկուսը հարմոն ու-
 նէին և ամենքն էլ զբօսնելու համար քաղա-
 քային պարտէզ գնում. մինչդեռ մեր հագինն
 ինչ որ աղտոտ ցնցոտիներ էին, ոտքներին՝
 տրեխ կամ հին ռանաման. ոտտիկանութ ինք

մեղ քաղաքային պարտէղ չէր թողնում: Էլ կարո՞ղ էինք հացթուխներին սիրել:

Եւ ահա մի անգամ իմանում ենք, որ նրանց հաց թխողը հարբել է, ազան նրան դուրս է արել ու տեղն ուրիշը բռնել, որ այդ ուրիշը ղինուուր է, հագնում է ատլասէ ժիլեթի և ոսկէ շղթայով ժամացոյց բանեցնում: Հետաքրքրուում էինք տեսնելու այդ պճնասէրին և, յուսալով թէ կը տեսնենք, մենք իրար ետևից, շարունակ բակն էինք դուրս գալիս:

Բայց նա ինքը եկաւ մեր արհեստանոցը: Ոտքով խփեց դրանը, բաց արաւ և, բաց էլ թողնելով, ժպտալով կանգնեց շեմքում ու առայ մեղ.

— Բարի աջողում: Բարով ձեզ, տղերք:

Ցուրա օդը, թանձր մուգ ամպի նման դռնից ներս խուժելով, ոլորւում էր նրա ոտների տակ, իսկ նա շեմքում կանգնած վերելից դէպի ցած նայում էր մեղ, և նրա գեղեցիկ սլորած դեղձան բեխերի տակ փայլում էին խոշոր, դեղին առամները: Նրա ժիլեթը արդարև մի առանձին տեսակի էր՝ կասպագոյն, ծաղկակար, ամբողջապէս փայլուն. իսկ կոճակները մի տեսակ կարմիր քարից էին: Ըղթայ էլ ունէր...

Գեղեցիկ տղամարդ էր այդ ղինուուրը, բարձր հասակով, առողջ, կարմիր թշերով, և նրա խոշոր, պայծառ աչքերն էլ անոյշ նա-

յուլաժք ունէին՝ փաղաքուշ ու պարզ: Գլխին ծածկել էր պինդ օսլայած գլխոց, իսկ մաքուր, անարատ գոգնոցի տակից երևում էին նոր ձևի, փայլուն մաքրած կօշկի սուր քթերը:

Մեր թխողը յարգանքով խնդրեց, որ դուռը փակի. նորեկն առանց շտապելու կատարեց այդ և սկսեց աղայի մասին մեզ հարց ու փորձ անել: Մենք միմեանց բերանից խլելով սկսեցինք պատմել, որ մեր աղան թոկից փախած, սրիկայ, շարագործ, մարդու հոգի հանող մէկն է, պատմեցինք այն ամենը, ինչ որ կարելի էր և պէտք էր ասել աղայի մասին. բայց այդ ասածներս կարելի չէ այստեղ գրի անցկացնել:

Զինուորը լսում էր, բեխերը շարժում ու մեղմ, պայծառ հայեացքով մեզ նայում:

— Ինչպէս տեսնում եմ, էստեղ շատ աղջկերք կան... — ասաց նա յանկարծ:

Մեզանից ոմանք յարգանքով ծիծաղեցին, ոմանք քիթ ու մութները հաճելի կերպով ծռմռեցին, մէկն էլ բացատրեց, թէ այստեղ ինն աղջիկ կայ:

— Օգտւում էք, — հարցրեց զինուորը և աչքով արաւ:

Մենք նորից ծիծաղեցինք, բայց ցած ձայնով ու կոտրուած... Մեզանից շատերը կուզէին նոյնպիսի կտրիճ մարդ թլալ, ինչպէս որ զինուորն էր, բայց այդ բանն անել

ուր որ չգիտէր, ոչ որ էլ կարող չէր: Մէկը
խոստովանուեց այդ՝ ասելով.

— Ի՞նչ մեր բանն է...

— Հն, այդ ձեր բանը չէ,— վստահօրէն
ասաց ղինուորը սւշադիր աչքով մեզ նայելով:

— Դուք ինչ-որ... էն չէք...: Կերպարանքներդ
էնպէս չի... կարգին մարդու նման...: Իսկ կին
ասածդ՝ տղամարդու կերպարանքին է նայում:
Նա ուզում է, որ կազմուածքդ շնորհքով լի-
նի... որ ամեն բան կարգին: Մէկ էլ նա շատ
է սիրում ոյժ...: Սյսպիսի ձեռք ունենայ, ան:

Ձինուորն աջ գրպանից հանեց ձեռքը,
որ մինչև արմունկը քշտած, մերկացրած էր, և
ցոյց տուեց մեզ...: Ձեռքը սպիտակ էր, ու-
ժեղ, փայլուն, ոսկեգոյն մաղով ծածկուած:

— Ոտքը, կուրծքը. պէտք է ամենքն էլ
պինդ լինին...: Մէկ, էլ որ մարդս կարգին
հագնուած լինի... ոնց որ սազ կը գայ...:
Ա՛յ, ինձ սիրում են կանայք: Ես նրանց չեմ
կանչում, չեմ հրապուրում. իրանք՝ օխտը միա-
սին են ճտովս ընկնում...:

Նա նստեց ջուալով ալիւրի վրայ և եր-
կար պատմում էր, թէ ինչպէս են կանայք
նրան սիրում և թէ ինչպէս է ինքը քաջու-
թեամբ վարում հեաները: Երբ որ նա գնաց,
և դուռը ճռռալով նրա ետևից փակուեց, մենք
երկար ժամանակ լուռ միտք էինք անում նրա
և նրա պատմածների վրայ: Ապա յանկարծ ա-

մենքս էլ սկսեցինք միաժամանակ խօսել, և բանից երևաց, որ նա ամենքիս էլ դիւր էր եկել: Ինչ պարզ ու պատուական մարդ է. եկաւ, նստեց, գրոյց արաւ: Ոչ ոք մեզ մօտ չէր գալիս, ոչ ոք մեզ հետ այսպէս ընկերաբար չէր խօսում... Եւ մենք շարունակ խօսում էինք նրա վրայ և գուշակում ապագայում ունենալիք աջողութիւնը դերձակուհիների մէջ, որոնք բախում մեզ հանդիպելիս կամ վիրաւորական ձեռով շրթունքները հուպ տուած ճանապարհն էին ծռում ու մեզանից հեռու անց կենում, կամ ուղղակի մեր վրայ էին գալիս, ասես թէ նրանց ճանապարհի վրայ մենք սկիկանգնած էլ չլինէինք: Մինչդեռ մենք միշտ հրճուում էինք նրանց տեսնելով թէ բախում, և թէ մեր պաաուհանների առաջով անցնելիս՝ ձմեռը մի տեսակ առանձին գլխարկ ու մուշաակ հագած, իսկ ամառը ծաղկաւոր փեղոյրներ ծածկած ու ձեռներին գոյնզգոյն հովանոցներ բռնած: Սակայն մեր մէջ այդ աղջկերանց մասին այնպիսի բաներ էինք խօսում, որ եթէ լսէին, ամենքն էլ ամօթից ու վիրաւորանքից կը կատաղէին...:

—Վախեմ թէ, տղերք, ճանիւշկային էլ... փշացնի,—յանկարծ մտախոհութեամբ ասաց թխողը:

Մենք ամենքս էլ այդ խօսքերից շճամ, լռեցինք. ճանիային մտահան էինք արել. զի-

նս. որը իւր խոշոր, գեղեցիկ պատկերով կարծես նրան ծածկել էր մեր աչքից: Յետոյ աղմկալի վէճ սկսուեց. ոմանք ասում էին, թէ Տանիան իբեհն այդտեղը չի հասցնիլ. ուրիշները պնդում էին, թէ նա զինուորին կարող չէ դիմադրել. ուրիշներն էլ, վերջապէս, առաջարկում էին, որ եթէ զինուորը Տանիայի ետեկից ընկնելու լինի, նրա սակրները ջարդենք: Եւ, վերջ ի վերջոյ, վճռեցինք բոլորս էլ հետեւի զինուորին ու Տանիային, զգուշացնել աղջկանը, որ հեռու կենայ զինուորից...: Այդ բանը մեր վէճին վերջ դրեց:

Մէկ ամսի շափ անցած կը լինէր. զինուորը հաց էր թխում, աղջկերանց հետ քէֆ անում, շուտ-շուտ մեր գործարանը մտնում, բայց աղջերանց հրապուրելու մասին խօսք չէր բաց անում, հասլա միայն բեխերն էր ուրում ու ախորժանքով շրթունքները լղմղում:

Տանիան ամեն առաւօտ գալիս էր բուկեղներ ստանալու և, ինչպէս միշտ, զուարթ, սիրուն, փաղաքուշ էր մեզ հետ: Մենք փորձ արինք խօսք բանալու զինուորի վրայ. Տանիան «առգած աչքով հորթ» էր անուանում նրան և ուրիշ ծիծաղելի անուններ տալիս, և այդ բանը հանգստացնում էր մեզ: Մենք պարծենում էինք մեր աղջկանով, երբ տեսնում

էինք, թէ ինչպէս դերձակուհիները որ ասես չէին պոկ գալիս զինուորից: Տանիայի դէպի նրան ունեցած յարաբերութիւնը կարծես թէ բարձրացնում էր մեզ ամենքիս, ու մենք էլ, կարծես նրա բռնած դիրքովն առաջնորդուած, սկսեցինք ինքներս էլ արհամարհանքով վերաբերուել դէպի զինուորը: Եւ Տանիային աւելի սիրեցինք ու առաւօտներն աւելի ևս ուրախ ու բարեսրտութեամբ էինք դիմաւորում:

Բայց մի անգամ զինուորը մեզ մօտ մի քիչ խմած եկաւ, նստեց ու սկսեց ծիծաղել. և երբ հարցըինք, թէ ինչի է ծիծաղում, նա բացատրեց.

— Իմ պատճառովս երկու աղջիկ իրար միս կերան... Բիտկան ու Գրուշկան ... Ո՛նց էին իրար այլանդակել, հը՛: Հն-հն: Մէկը միւսի ծամերից բռնած՝ միջանցքում գետին խփեց, վրան հեծաւ... հն-հն-հն: Իրար քիթ ու մոտթ շանկռտեցին, արիւնլուիկ արին... շորերը պատռեցին...: Ծիծաղից կոտորուելու բան էր: Ձեմ հասկանում, թէ ինչո՛ւ էս կանայք չեն կարողանում կարգին կուել: Ինչի են իրար շանկռտում, հը՛:

Նա ուրախ-գուարթ, առողջ, մաքուր կերպարանքով, նստած էր նստարանի վրայ ու շարունակ ծիծաղում: Մենք լուռ էինք: Չգիտեմ ինչո՛ւ այս անգամ նա մեզ անհաճոյ էր:

— 2է, ախպէր, կանանց մասին բաղդս

բաց է, հը՛: Ծիծաղելու բան: Մէկ որ աչքով
արի՛ պրծաւ: Հը՛:

Նրա փայլուն մաղերով ծածկուած ձեռ-
բերը բարձրացան և նորից ծնկներէ վրայ ըն-
կան ու բարձրաձայն շլմփացրին: Եւ նա մի
այնպիսի հաճելի-ղարմացած կերպով էր նա-
յում մեղ, որ ասես թէ ճիշտ որ ինքն էլ չի
հասկանում, թէ ինչո՞ւ կանանց վերաբերմամբ
իւր բաղդն այդքան բանուկ էր: Նրա հաստ,
կարմրած մուրթը ինքնագոհ ու երջանիկ կեր-
պով պոպղում էր, և նա շարունակ ախորժան-
քով լպստում էր իւր շրթունքները:

Մեր հացթուխը թիովն ուժով ու դայ-
բացած շրթկացրեց հնոցին ու յանկարծ ծաղ-
րելով ասաց.

— Բանը ս. Խաչի ուլը չէ, բանը դատկի
գառն է...

— Էդ ի՞նձ ևս ասում, — հարցրեց գի-
նուորը:

— Հա՛, քեզ...:

— Ի՞նչ ևս ուզում ասել:

— Ոչինչ...: ասացի, պրծաւ:

— Զէ, կաց: Ի՞նչ է ասածդ: Ի՞նչ գառը,
ինչ բան:

Մեր փունչին լուռ էր և միայն արագ-
արագ թիակն էր շարժում, — մէկ փուռն ձգում
խաշած բոկեղները և մէկ փունից հանում
պատրաստները և աղմուկով շարտում յատակի

վրայ, երեխաների առաջ, որոնք կապերի վրայ
 էին անցկացնում բոկեղները: Նա կարծես թէ
 զինուորին էլ, նրա հետ սկսած խօսակցու-
 թիւնն էլ մոռացած լինէր արդէն: Քայց զի-
 նուորը յանկարծ մի տեսակ անհանգստութեան
 մէջ ընկաւ: Նա ոտքի ելաւ և մօտեցաւ փռա-
 նը, շատածելով որ կարող է կրծքին առնել
 թիակի կոթը, որ ջղաձգարար շարժում էր
 օդի մէջ:

— 2է, դու մի ինձ ասես՝ ո՞վ է: Գու ինձ
 վիրաւորեցիր...: Ե՛ս: Իմ ձեռքից ոչ ով չի
 պրծնի, չէ-է: Իսկ դու ինձ էնպիսի անպատիւ
 խօսքեր ես ասում, որ...

Եւ յիրաւի, նա իսկ որ վիրաւորուած էր
 թւում: Ինչպէս երևում է, նա բացի կանանց
 մուրեցնելու շնորհքից չունէր մի այնպիսի
 բան, որի համար ինքն իրեն յարգէր: Գուցէ
 այս շնորհքից զատ ոչ մի կենդանի բան չկար
 նրա մէջ, և միայն այդ շնորհքն էր, որ նրան
 զգալ էր տալիս իւր կենդանի մարդ լինելը:

Հօ կան մարդիկ, որոնց համար կեանքի
 մէջ ամենաթանկագինն ու ամենալաւն իրենց
 հոգու կամ մարմնի մի որևիցէ հիւանդութիւ-
 նըն է կազմում: Նրանք իրենց բոլոր կեան-
 քում փայփայում են այդ արատը և դրանով
 են կենդանի մնում. նրանք այդ արատի երե-
 սից տանջուելով հանդերձ՝ դրանով էլ սնւում
 են. նրանք դրա դէմ զանգատուում են ուրիշ-

ներին և դրանով էլ իրենց վրայ դարձնում մօտիկ անձերի ուշադրութիւնը: Այդ բանի համար նրանք մարդկանցից իբր տուրք ստանում են նրանց համակրութիւնը, և բացի դրանից՝ էլ ոչինչ չունին: Վերցրէք նրանցից այդ հիւանդութիւնը, այդ արատը, բժշկեցէք նրանց, և նրանք կանքադդանան, որովհետև կը դրկուեն կեանքի միակ միջոցից. նրանք այն ժամանակ մի դատարկ բան կը դառնան: Երբեմն մարդուս կեանքն այն աստիճանի աղքատ է լինում, որ ահամայ ստիպուած է զնահատել իր արատը և դրանով ապրել. ուղղակի կարելի է ասել, որ երբեմն մարդիկ ձանձրոյթից են արատաւոր դառնում:

Զինուորը վիրաւորուեց և մեր հացթուխի վրայ դնալով սունում էր.

— 2է, պիտի ասես, ո՞վ է:

— Ասե՛մ, — յանկարծ դարձաւ նրան հացթուխը:

— Հը՛:

— Տանիային ճանաչ՞ում ես:

— Յետո՞յ:

— Էլ ի՞նչ յետոյ: Հապա՛ն փորձի...

— Ծ՞ն:

— Դու:

— Նրան: Դա ինձ համար հէջ բան չի:

— Տեսնենք:

— Կը տեսնես: Հ.հա:

—Նա քեզ...

—Մի ամիս ժամանակ:

—Չատ մեծախօսն ես, զինուոր:

—Երկու շաբաթ միայն: Ո՞վ: Տանիան:

Հէշ բան չի...

—Դէ հեռու գնա... խանգարում ես:

—Երկու շաբաթ՝ ու պրծաւ: Այ դու...

—Ասում եմ՝ հեռացիր:

Մեր հացթուխը յանկարծ կատաղեց և թիակը վերցրեց, որ խփի: Ջինուորը դարմացած յետ-յետ քաշուեց, նայեց մեզ, լուեց, և կամաց, չտրագուշակ կերպով ասաց. «Դէ լաւ»
—ու գնաց:

Վէճի միջոցին, վէճով հետաքրքրուած, ամենքս էլ լուռ էինք: Քայց զինուորի գնալուց յետոյ կենդանի, բարձր զրոյց ու աղմուկ բարձրացաւ մեր մէջ:

Մէկը հացթուխին ասաց.

—Հէշ բան չէր արածդ, Պաւէլ:

—Դու քո առաջիդ ապուրը կեր, — կատաղաբար պատասխանեց նա:

Ջգում էինք, որ զինուորի ինքնասիրութիւնը սաստիկ վիրաւորուած էր, և Տանիային վտանգ է սպառնում: Այդ զգում էինք և միևնոյն ժամանակ մի ջերմ, հաճելի հետաքրքրութիւն պաշարել էր մեզ, թէ ի՞նչ է լինելու: Արդեօք Տանիան կը դիմանայ զինուորի հրա-

պոյրին: Եւ համարեա ամենքս էլ վստահօրէն կանչում էինք.

—Տանկան: Ի հարկէ կը դիմանայ: Նրան ձեռք ձգելը հեշտ բան չի:

Մաստիկ ուղում էինք փորձել մեր կուռքի հաստատամտութիւնը. մենք լարուած կերպով միմեանց ապացուցանում էինք, որ մեր կուռքը շատ պինդ կուռք է և այդ ընդհարումից յաղթող դուրս կը գայ: Մեզ, վերջապէս, սկըսեց այնպէս թլալ, թէ զինուորին դեռ քիչ էինք զրգուել, որ նա կարող էր այս վէճը մոռանալ, և թէ հարկաւոր էր մի լաւ խայթել նրա ինքնասիրութիւնը: Այդ օրուանից սկսեցինք մի առանձին, լարուած-նեարդային կեանք անցկացնել. մենք դեռ այդպէս ապրած չէինք: Ամբողջ օրը վիճում էինք իրար հետ. կարծես թէ աւելի խելօքացած՝ սկսեցինք շատ և աւելի լաւ խօսել. Մեզ թւում էր, թէ մենք ինչ-որ խաղ ենք խաղում և զբաղ ենք եկել սատանայի հետ, և մեր զբաղը Տանիան է: Եւ երբ որ հացթուխներից իմացանք, որ զինուորն սկսել է Տանիայի ետևից ընկնել, մենք մի այնպիսի զգայնական-հաճելի դրութեան մէջ էինք, և մեր կեանքն այնքան շահազրդիւ էր դարձել, որ մինչև անգամ չնկատեցինք, թէ ինչպէս մեր աղան, մեր զրգուից օգտուելով, տասնեչորս պուգ խմորի աշխատանք էր աւելացրել: Մենք նոյն իսկ աշ-

խատանքից շէինք էլ յոգնում: Ամբողջ օրը Տանիայի անունը մեր բերանն էր: Եւ ամեն առաւօտ մենք նրան մի առանձին անհամբերութեամբ էինք սպասում: Երբեմն մեզ թւում էր, թէ նա կը մտնի մեզ մօտ, բայց սա այլևս այն, առաջուայ Տանիան չի լինիլ, հապա մի ուրիշը:

Մական տեղի ունեցած վէճի մասին նրան ոչինչ չէինք ասում: Ոչինչ չէինք հարցնում և դարձեալ առաջուայ նման սիրով ու լաւ էինք վերաբերում դէպի նա: Բայց այս յարաբերութեան մէջ արդէն մեր դէպի Տանիան տածած նախկին զգացմունքին մի նոր, օտար բան էր խառնուել, և այդ նորը՝ սուր հետաքրքրութիւնն էր, սուր ու սառն՝ որպէս պողպատէ դանակ...:

—Տղերք: Այսօր ժամանակն է,—մի անգամ առաւօտեան ասաց հացթուխը գործի կանգնելով:

Մենք առանց նրա յիշեցնելուն էլ լաւ գիտէինք այդ, բայց էլի սթափուեցինք:

—Մտիկ տուէք Տանիային... էս ընպէիս կը գայ,—չարունակեց հացթուխը:

Մէկը ցաւակցարար բացականչեց.

—Մտիկ տալով ինչ զուրս կը գայ. բան կը տեսնես:

Եւ դարձեալ կենդանի, աղմկալից վէճ սկսեցինք: Վերջապէս այսօր կիմանանք, թէ

որքան մաքուր ու կեղտի համար անմատչելի է այն անօթը, որի մէջ ամփոփել էինք մեր ամենալաւ զգացմունքը: Այդ առաւօտ ասես թէ միանգամից և առաջին անգամ զգացինք, որ մեծ խաղ էր խաղացածներս, որ մեր կուռքի մաքրութեան այս փորձը կարող էր նրան ոչնչացնել մեղ համար: Մենք այդ բոլոր օրերը լսում էինք, թէ զինուորը յամառութեամբ և շարունակ հետամուտ է լինում Տանիային, բայց մեզանից ոչ ոք չհարցրեց Տանիային, թէ նա ինչպէս է վերաբերում դէպի զինուորը: Իսկ նա շարունակում էր ամենայն օր կանոնաւոր կերպով գալ բռկեղ ստանալու և էլի այն էր, ինչ որ միշտ:

Եւ շուտով այդ օրն էլ լսեցինք նրա ձայնը.

— Կալանաւորներ: Եկայ...

Մենք շտապեցինք նրան ներս առնելու և, երբ որ մտաւ, սովորականին հակառակ լուսութեամբ ընդունեցինք: Աչքներս չօրս բաց արած նրան նայելով չէինք իմանում, թէ ինչ խօսէինք հետը. ինչ հարցնէինք: Եւ լուռ, մռայլ կերպարանքով խոնուել էինք նրա առաջ: Ըստ երևոյթին՝ նա դարմացած էր այս անսովոր ընդունելութեան վրայ. և յանկարծ տեսանք, որ նա սպրփնեց, անհանգստացաւ, կանգնած տեղը մի տեսակ տրոր-տրոր եկաւ և ճնշուած ձայնով հարցրեց.

—Ինչո՞ւ էք... այսպէս:

—Հապա դ՞ո՞ւ,—մուսուլման նկատեց հացթուխն առանց աչքը վրայից հեռացնելու:

—Ես ի՞նչ:

—Ուշի՞նչ:

—Դէ, շուտով բոկեղ առէք...:

Նա առաջ երբէք մեղ շէր շտապեցնում...:

—Գը հասնես. շտապելու բան չկայ.—
ասաց հացթուխն առանց շարժուելու և առանց աչքը վրայից հեռացնելու:

Այն ժամանակ նա յանկարծ շուռ եկաւ և դրան մէջ անհետացաւ:

Հացթուխը վեր առաւ թիակը և երեսը փռանը դարձնելով՝ հանդարտ ձայնով ասաց.

—Ուրեմն բանը պրծել է...: Ա՛յ քեզ զինուոր... հարամզադան... ցած...:

Մենք, ոչխարի հօտի նման, իրար հըրհըրելով մօտեցանք սեղանին, սուս ու փուս նստեցինք ու սկսեցինք ծոյլ-ծոյլ աշխատել: Չուտով մէկն ասաց.

—Ով է իմանում, գուցէ դեռ...:

—Դէ, դէ: Դուս տու,—կանչեց հացթուխը:

Ամենքս էլ գիտէինք, որ նա խելօք մարդ էր, ամենքիցս խելօք: Եւ նրա բացականշութիւնից հասկացանք, որ զինուորը յաղթել է...: Մենք տխուր էինք և անհանգիստ...:

Ժամը տասններկսին—ճաշի ժամին—
զինուորը եկաւ: Ըստ սովորականին նա մա-
քուր ու պճնուած էր և—ինչպէս միշտ—ուղիղ
մեր աչքին էր. նայում: Իսկ մենք դժուարա-
նում էինք նրան մտիկ տալու:

—Դէ, աղէք, կուզէք հիմի զինուորի դո-
չադութիւնը տեսնել,—ասաց նա պարծենկոտ
ժպիտով.—որ կուզէք՝ դուրս եկէք նախա-
սենեակ ու տախտակների ճեղքերից մտիկ
տուէք... հասկացա՛ք:

Մենք դուրս եկանք և, իրար վրայ ըն-
կած, սլինդ կսկանք. նախասենեակի տախտա-
կէ սլատի ճեղքերին, որ դէպի բակն էր դուրս
գալիս: Երկար շտապեցինք...: Չուտով Տա-
նիան, շտապ-շտապ, հոգսալի դէմքով, կիսա-
հալ ձիւնի ու ցեխի լճակների վրայից թըռչ-
կոտալով անցաւ բակի միջով: Նա անհետացաւ
նկուղի դրան մէջ: Յետոյ, առանց շտապելու
և շվշվացնելով, այդտեղ գնաց և զինուորը:
Նա ձեռները գրպաններն էր դրել, իսկ բեխե-
րը շարժում էին...:

Անձրև էր գալիս, և տեսնում էինք, թէ
ինչպէս անձրևի կաթիլներն ընկնում էին
լճակների մէջ, և լճակները նրանց հարուած-
ներից կնճռոտում: Խոնաւ, մառախլապատ օր
էր, սաստիկ ձանձրալի օր: Կտուրներին դեռ
ձիւն էր նստած, իսկ երկրի վրայ երևում էին
ցեխի սև բծեր: Եւ կտուրների ձիւնն էլ ծած-

կուած էր մոխրագոյն, աղտոտ շերտով: Դանդաղ-դանդաղ էր գալիս անձրերը և թախծալի հնչում: Մրսում էինք, և անհաճոյ էր սպասելը...:

Նկուզից առաջ զինուորը դուրս եկաւ. նա դանդաղ քայլերով, բեխերը շարժելով, ձեռները գրպանը՝ իւր մշտական կերպարանքով, անցաւ բակը:

Յետոյ դուրս եկաւ Տանիան: Նրա աչքերը... նրա աչքերը փայլում էին ուրախ ու երջանիկ, իսկ շրթունքները ժպտում էին: Եւ գնում էր նա, կարծես քնի մէջ լինէր, օրօրուելով, անհաստատ քայլերով...:

Մենք չկարողացանք անվրդով կերպով տանել այդ բանը: Բոլորս միասին դէպի դուռը վաղեցինք, դուրս թռանք բակը և սկսեցինք շարախնդաց, բարձր, վայրենի կերպով շվվացնել, գոռալ վրան:

Նա որ մեզ տեսաւ, ցնցուեց և արձանացած մնաց կանգնած ցեխի մէջ: Մենք շրջապատել էինք նրան և շարախնդութեամբ, առանց դադրումի փիս-փիս խօսքերով հայհոյում, նրան անսպատկառ բաներ ասում:

Մենք այս անում էինք առանց շտապելու և ոչ-բարձր ձայնով, որովհետեւ տեսնում էինք, որ գնալու տեղ չունի, որ շորս կողմը բռնել ենք և ինչքան սրաներս ուզի՝ կարող ենք ծաղրել, վրան ծիծաղել: Չգիտեմ ինչու, բայց

մենք նրան շփեծեցինք: Նա մեր մէջ կանգնած էր և, մեր վիրաւորանքները լսելով, գլուխը մէկ դէս էր շուռ տալիս, մէկ՝ դէն: Իսկ մենք՝ առաւել շատ, առաւել զօրեղ խօսքի ցեխ ու թոյն էինք շող աալիս գլխին:

Նրա երեսի գոյնը թռաւ: Նրա կապոյտ, մի բոսլէ առաջ երջանիկ աչքերը լայն լայն բաց եղան, կուրծքը ծանր շունչ էր տոնում, և շրթունքները դողդոջում էին:

Իսկ մենք նրան շրջապատած վրէժ էինք լուծում, սրովհեռև նա մեզ կողոպտել էր: Նա պատկանում էր մեզ, մենք նրա վրայ մտնել էինք այն, ինչ որ մեր ամենալաւն էր, և թէպէտ այդ ամենալաւն աղքատի փշրանքներ էին, բայց մենք քսանեմք հողի էինք, իսկ նա՝ մէկ, ուստի և ինչքան էլ տանջէինք, դեռ քիչ էր նրան: Ինչպիսի՞ վիրաւորանքներ էինք հասցնում նրան...: Նա լուռ էր, վայրի հայեացքով շարունակ նայում էր մեզ և սաղ մարմնով դողում:

Մենք զոռում էինք, մոնչում, ծիծաղում...: Չգիտեմ սրտեղից ուրիշ մարդիկ էլ եկան, միացան մեզ...: Մեզանից մէկը քաշեց Տանիայի զգեստի թևից...:

Յանկարծ նրա աչքերը փայլատակեցին. նա առանց շտասլելու ձեռները գլխին աարաւ և, մաղերն ուղղելիս, բարձր, բայց հանդարտութեամբ ասաց ուղիղ մեր երեսին,

—Վայ դուք անբաղդ կայանաւորներ...

Եւ նա քայլեց ուղղակի մեզ վրայ, այնպէս քայլեց, հէնց գիտենաս մենք ամենեկին նրա առջևը կանգնած շլինէինք, ասես թէ մենք նրա ճամբան կտրած շլինէինք: Եւ այդ պատճառով էլ ճշմարիտ որ մեզանից ոչ ոք նրա ճանապարհը չբռնեց,

Իսկ մեր շրջանից դուրս գալուց յետոյ նա, առանց ետևը դառնալու, միևնոյն կերպով բարձր ու աննկարագրելի արհամարհանքով ասաց.

—Այ դուք սինլքոր... գարշելիներ....

Եւ գնաց:

Իսկ մենք մնացինք բակի մէջ, ցեխում, անձրևի և անարև թխպած երկնքի տակ....:

Ապա մենք էլ քաշուեցինք մեր խոնաւ քարէ փոսը:

Առաջուայ նման երբէք արևը պատուհանից ներս չէր թափանցում մեր աշխատանոցը. իսկ Տանիան երբէք մէկ էլ մեր շեմքը ոտք չկոխեց....:





ՀԱՅԿԱՆ ԿՈՒՆԱԿԱՆ
ԳՐԱԴԱՐԱՆ
ԲԱՆՍ

պէս 4		
նրա		
մենք և	ԼՈՅՍ ԵՍՏՍԵԼ	
պատճա		
նրա ճ	ԽՄԱՆ ԳԻՉԵՐԸ, Լէօի, գինը	5 կ.
	ԱՄԱՐԴԵՒ 1 ԱՂՋԻԿ, Մակ-	
նա,	Խօյրհու, Թարգ. Մուշէ վ.	5 կ.
պով	ԹԸ և ուրիշ պատմաժքներ,	
քով	Փափազեանի	10 կ.
	ԱՆՔԻ ԴԱՍԸ, պատմաժք	
	Ահարօնեանի	5 կ.
	ԻԳԻՏԱԿ ԵՍՏՍԵԼ Է. Օժէշկոյի	
ս	Թարգ. Չահվերդեանի	5 կ.
	ԱՐՏԻՍՏԸ Չիրփանզադէի	15 կ.
	ԵՂՕՅԻ ԲՈՌ ԲԱԽՏԸ Չահրիարի	3 կ.
	Ե ԱՊՕՆԻԱ Խաչատրեանի	3 կ.

ԳԱԱ Հիմնարար Գիտ. Գրադ.



FL0046028